

բ. Երևան

"06" փետրվարի 2023թ.

Հայկական Ծրագրեր Սահմանափակ Պատասխանատվությամբ Ընկերություն, ի դեմս տնօրեն Աշոտ Խաչատրյանի, հետագայում՝ Կատարող, մի կողմից, և ՀՀ Լոռու Մարզպետարանի աշխատակազմ ՊԿՀ, ի դեմս գլխավոր քարտուղար Կամո Աշրաֆյանի, հետագայում՝ Պատվիրատու, մյուս կողմից, վարեցին բանակցություններ և կնքեցին սույն պայմանագիրը հետևյալի մասին՝

1. Պայմանագրի առարկան

1.1. Սույն պայմանագրի համաձայն Կատարողն իրականացնում է Պատվիրատուի մոտ տեղադրված «ՀԾ-Հաշվապահ 7» 2 (երկու) աշխատատեղի համար համակարգչային ծրագրի (հետագայում՝ Համակարգ) սպասարկում, ինչը ներառում է հետևյալը.

- 1.1.1. Համակարգի շահագործման հետ կապված խորհրդատվություն:
- 1.1.2. Կատարողի կողմից որոշված պարբերականությամբ Համակարգի թարմացված տարբերակների տրամադրում, որտեղ արտացոլված են հաշվապահական և հարկային հաշվառմանը վերաբերվող լրամշակումները և նոր ֆունկցիոնալ հնարավորությունները:

1.2. Սպասարկման ձևը.

- 1.2.1. Սպասարկման աշխատանքներն իրականացվում են հեռահաղորդակցության (հեռախոսակապ, ինտերնետ, Էլ.փոստ և այլն) միջոցներով:
- 1.2.2. Համակարգի թարմացված տարբերակները տրամադրվում են Կատարողի կողմից ընտրված եղանակներով:

2. Պայմանագրի ժամկետը

2.1. Պայմանագիրն ուժի մեջ է մտնում Պատվիրատուի և Կատարողի կողմից կնքելու պահից և գործում է մեկ տարի:

3. Աշխատանքների արժեքը և վճարման կարգը

- 3.1. Համակարգի սպասարկման արժեքն է 122,500.00 դրամ, ԱԱՀ 20%՝ 24,500.00 դրամ, ընդամենը՝ 147,000.00 դրամ:
- 3.2. Պատվիրատուն վճարում է Համակարգի սպասարկման արժեքը Պայմանագիրը կնքելուց հետո 5(հինգ) աշխատանքային օրվա ընթացքում:
- 3.3. Սպասարկման գները միակողմանիորեն կարող են վերանայվել Կատարողի ներքին իրավական ակտով՝ տարեկան մեկ անգամ՝ հուլիսի 1-ին: Ընդ որում, գների աճի դեպքում աճը չի կարող գերազանցել հետևյալ տոկոսների գումարը՝ Նախորդ տարվա համար պաշտոնապես հայտարարված սղաճ գումարած Նախորդ գնի նկատմամբ մինչև 7 տոկոս (որն իր մեջ ներառում է նաև Կատարողի կողմից մշակվող Համակարգի և ծրագրավորման ոլորտի տեխնոլոգիական բարդացումը): Սպասարկման գները վերանայելու ներքին իրավական ակտի հիման վրա ձևավորված նոր գինը Կատարողը պարտավոր է տեղադրել և հրապարակել www.armsoft.am կայքում դրանց ուժի մեջ մտնելու օրվանից առնվազն 2 (երկու) ամիս առաջ:

4. Կատարողի պարտավորությունները

- 4.1. Ծրագրային ապահովման մեջ խափանումների և սխալների հայտնաբերման դեպքերում (բացի տեխնիկական և ծրագրային միջոցների անհամատեղելիության, տեխնիկական միջոցների խափանումների, ծրագրային վիրուսների, աշխատակիցների՝ ծրագրով չնախատեսված գործողությունների պատճառով առաջացած դեպքերի) վերացնել դրանք ապագա տարբերակներում:
- 4.2. Տրամադրել Պատվիրատուին Համակարգի այն տարբերակները, որոնք լույս են տեսել մինչև Պայմանագրի ավարտը:
- 4.3. Համակարգի սպասարկումը չի ներառում Պատվիրատուի կողմից խորհրդատվություն հետևյալ հարցերի վերաբերյալ՝
 - հաշվապահական և հարկային հաշվառման վարման մեթոդաբանություն,
 - ուսուցման ընթացքում ստացված տեղեկատվություն,
 - Համակարգի շահագործման հետ կապված՝ Windows օպերացիոն համակարգի օգտագործում,
 - տեխնիկական միջոցների և համակարգչային ցանցի ոչ նորմալ աշխատանք:
- 4.4. Պայմանագրի ավարտից հետո Կատարողը Պատվիրատուի նկատմամբ որևէ պարտավորություն չի կրում:

5. Պատվիրատուի պարտավորությունները

- 5.1. Ապահովել Համակարգի գործունեության համար անհրաժեշտ տեխնիկական միջոցների և ծրագրային ապահովումների համապատասխանությունը Կատարողի կողմից կատարված թարմացումներին:
- 5.2. Պատվիրատուի պարտավորությունն է համարվում Համակարգի պաշտպանական Էլեկտրոնային բանալու և տվյալների պահուցի պահպանությունն ու ամբողջականությունը:

6. Այլ պայմաններ

- 6.1. Սույնով Պատվիրատուն հավաստում է, որ ծանոթացել է www.armsoft.am կայքում տեղադրված ուսուցման բովանդակությանը:
- 6.2. Սույն պայմանագրի 1.1-րդ կետից մինչև 1.2.2-րդ կետը ներառյալ Պատվիրատուին ընձեռված իրավունքները /անկախ դրանց բնույթից/ չեն կարող փոխանցվել երրորդ անձանց բացառությամբ ընդհանուր իրավահաջորդության դեպքի:
- 6.3. Կատարողի պատասխանատվությունը անկախ մեղքի ձևից սահմանափակվում է սույն Պայմանագրի արժեքի 20(բսսան) տոկոսի չափով:
- 6.4. Սույն պայմանագրի կատարման հետ կապված հարցերը Կողմերը կզգտեն լուծել բանակցությունների միջոցով: Կողմերի միջև համաձայնության չգալու դեպքում, վիճելի հարցերը կարգավորվում են Հայաստանի Հանրապետության օրենսդրությամբ սահմանված կարգով:
- 6.5. Սույն պայմանագիրը կազմվում է 2(երկու) հավասար իրավաբանական ուժ ունեցող օրինակից՝ յուրաքանչյուր Կողմին մեկական օրինակ:

7. Կողմերի հասցեները, բանկային վավերապայմանները և ստորագրությունները

Հայկական Ծրագրեր ՍՊԸ
 h/h 2500010002240100
 Արմավիսթրանկ ՓԲԸ
 Էլ.Փոստ՝ support@armsoft.am
 ՀՎՀՀ՝ 00807555
 Հասցե՝ բ. Երևան, Չարենցի փ. 1

ՀՀ Լոռու Մարզպետարանի աշխատակազմ ՊԿՀ
 h/h 900231751026
 ՀՀ ՖՆ աշխատակազմի գործառնական վարչություն
 Հեռ.՝ Էլ.Փոստ՝
 ՀՎՀՀ՝ 06930769
 Հասցե՝ Լոռի, Վանաձոր, Հայքի Հրապարակ

Տնօրեն

Ա.Խաչատրյան

Գլխավոր քարտուղար

Կ. Աշրաֆյան

